



Icyegeranyo cy'amakuru y'imikino yaranze icyumweru

2023

Taliki 11–14 Kanama



P.1 Football: Rayon Sports yegukanye igikombe kiruta ibindi mu Rwanda

Ijambo ry'ibazze

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'lmikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

P1

Football: Rayon Sports yegukanye igikombe kiruta ibindi mu Rwanda

P2

Rwamagana: Hatashywe ibibuga bibiri bya Basketball

P2

Cricket: Hatangiye irushanwa "RCA 50 Overs Premier League 2023"

P3

Athletics: Muhitira na Iranzi bitwaye neza muri Brazzaville

P4

Handball: Ikipe y'u Rwanda yasoreje ku mwanya wa 27 mu gikombe cy'Isi 2023

P5

Basketball: Hamenyekanye amakipe azakina imikino ya "Playoffs 2023"

P5

Handball: Ikipe y'u Rwanda U-17 mu bakobwa yegukanye umwanya wa gatatu

P6

Kigali: Hatangijwe ku mugaragaro imirimo yo kubaka "Zaria Court"

P6

Kung Fu Wushu: Black Scropio Kayonza yegukanye irushanwa ry'abakiri bato

Football : Rayon Sports yegukanye igikombe kiruta ibindi mu Rwanda

Taliki 12 Kanama 2023, kuri Kigali Pele Stadium i Nyamirambo habereye umukino w'igikombe kiruta ibindi mu Rwanda mu mupira w'amaguru "Super Cup 2023" uhuza ikipe yatwaye igikombe cya shampiyona ndetse n'igikombe cy'Amahoro.

Ikipe ya Rayon Sports yegukanye igikombe cy'Amahoro 2023 ni yo yitwaye neza inegukana iki gikombe kiruta ibindi itsinze APR FC yegukanye igikombe cya shampiyona ya 2022-2023.

Muri uyu mukino, ikipe ya Rayon Sports yatsinze APR FC ibitego 3-0 byatsinzwe na Charles BBale, Kalisa Rashid na Joackiam Ojera.

Ikipe ya Rayon Sports ikaba yahawe igikombe na miliyoni 10 naho APR FC ihabwa miliyoni 5.

Aya makipe yombi akaba yaraherukaga guhatanira iki gikombe muri 2017 aho nabwo ikipe ya Rayon Sports yatsinze APR FC ibitego 2-0 byatsinzwe na Ismaila Diarra na Kwizera Pierrot.



Rwamagana : Hatashywe ibibuga bibiri bya Basketball

Taliki 13 Kanama 2023, Minisitiri wa Siporo "MINISPORTS", Munyangaju Aurore Mimosa ari kumwe n'umuyobozi w' Umuryango Giants of Africa, Ujiri Masai batashye ku mugaragaro ibibuga bibiri bya Basketball byubatswe mu ishuri Agahozo-Shalom riherereye mu Karere ka Rwamagana.

Ibi bibuga bikaba byarubatswe n'Umuryango Giants of Africa muri gahunda yaho yo guteza imbere umukino wa Basketball.

Uyu muryango ufiletse gahunda yo kubaka ibibuga bigera ku 100 mu bihugu binyuranye by'Afurika harimo n'u Rwanda ahazubakwa ibibuga 8 mu Karere ka Rubavu, Rusizi na Huye.



Cricket : Hatangiye irushanwa "RCA 50 Overs Premier League 2023"

Kuva taliki 12 Kanama 2023 hatangiye irushanwa "RCA 50 Overs Premier League 2023" rikazasozwa taliki 05 Ugushyingo 2023.

Ubwo hatangizwaga iri rushanwa habaye imikino ibiri, ikipe ya Right Guards CC yatsinzwe na Zonic Tigers CC ku kinyuranyo cy'amanota 131 naho ikipe ya Challengers CC itsinda Telugu Royals CC ku kinyuranyo cy'amanota 283. Taliki 20 Kanama 2023 hateganyijwe umukino uzahuza Right Guards CC na Kigali CC.

Iri rushanwa ryataguwe n'ishyirahamwe ry'umukino wa Cricket mu Rwanda "RCA", ryitabiriwe n'amakipe 6 asanzwe akina shampiyona y'icyiciro cya mbere ari yo Challengers CC, Right Guards CC, Telugu Royals CC, Kigali CC, Zonic Tigers CC na IPRC Kigali.



Athletics : Muhitira na Iranzi bitwaye neza muri Congo Brazzaville

Taliki 14 Kanama 2023 muri Congo Brazzaville habereye irushanwa mpuzamahanga ryo gusiganwa ku maguru mu gice cya Marato "Semi-marathon international de Brazzaville 2023".

Iri siganwa ryari ribaye ku nshuro ya 18 ryegukanwe na Geoffrey Kipyego ukomoka muri Kenya aho muri kilometero 21, yakoresheje isaha 1, iminota 2 n'amasegonda 27, yakurikiwe na Kenneth Kiprop Kipkemoi nawe ukomoka muri Kenya akaba yarakoresheje isaha 1, iminota 3 n'amasegonda 3 naho ku mwanya wa 3 haza Umunyarwanda, Muhitira Felicien "Magare" wakoresheje isaha 1, iminota 4 n'amasegonda 26.

Muhitira akaba yaregukanye iri rushanwa muri 2019 gusa umwaka ushize wa 2022 na bwo yari yabaye uwa gatatu.

Mu bagore, irushanwa ryegukanwe na Aness Barsoso wo muri Kenya wakoresheje isaha 1, iminota 10 n'amasegonda 40, ku mwanya wa kabiri haje Umunyarwanda, Iranzi Celine wakoresheje isaha 1, iminota 19 n'amasegonda 24 naho ku mwanya wa gatatu haza Emily Jepkoech ukomoka muri Kenya akaba yarakoresheje isaha 1, iminota 22 n'amasegonda 43.

Aba bakinni bitwaye neza bahawe ibihembo aho uwa mbere yaba mu bagabo n'abagore yahawe miliyoni 2,5 z'amasefa akaba asaga miliyoni 4,9 z'amafaranga y'u Rwanda.

Ababaye aba kabiri bahawe miliyoni 2 z'amasefa, asaga miliyoni 3,9 z'amafaranga y'u Rwanda naho aba gatatu bahabwa miliyoni 1,5 y'amasefa akaba asaga 2,9 z'amafaranga y'u Rwanda.

Iri siganwa ryari ribaye ku nshuro ya 18 ryahuriranye no kwizihiza isabukuru y'imyaka 63 Congo Brazzaville ibonye ubwigenge. Perezida wa Congo Brazzaville, Denis Sassou-N'guesso akaba ari we watangije iri siganwa ryitabiriwe n'abakinni 1095 akanarisozia. Abakinni bitabiriye iri siganwa bari baturutse muri Cameroun, RDC, u Rwanda, Kenya na Congo Brazzaville.



Kuva taliki O2 kugeza 13 Kanama 2023 muri Croatia habereye imikino y'igikombe cy'lsi mu batarengeje imyaka 19 mu mukino wa Hanball "IHF Men's Youth World Championship 2023".

Iyi mikino yitabiriwe n'amakipe 32 aho yari agabanyije mu matsinda 8. Itsinda A ryari rigizwe n'ikipe y'u Rwanda, Croatia, Portugal na Algeria. Itsinda B rigizwe na Hungary, Slovenia, Morocco na New Zealand. Itsinda C rigizwe na Egypt, Iceland, Japan na Czech Republic. Itsinda D ryari rrimo Spain, Republic of Korea, Brazil na Bahrain. Itsinda E ryari rigizwe na Denmark, Austria, Chile na Mexico. Itsinda F rrimo Norway, Montenegro, North Macedonia na Georgia. Itsinda G rigizwe na Germany, Argentina, Saudi Arabia na USA naho itsinda H rigizwe n'u Burundi, Sweden, Faroe Islands na Iran.

Ikipe ya Espagne ni yo yegukanye igikombe itsinze Denmark ku mukino wanyuma ibitego 28 kuri 23 naho Croatia yegukana umwnaya wa 3 itsinda Misiri ibitego 39 kuri 37. Ikipe y'u Rwanda yasoreje ku mwanya wa 27.

Uko ikipe y'u Rwanda yitwaye

Imikino yo mu matsinda

- Portugal **50-24** Rwanda
- Croatia **54-18** Rwanda
- Rwanda **27-33** Algeria

Gushaka imyanya

- Maroc 32-33 Rwanda
- Rwanda 44-17 New Zealand
- Rwanda 33-41 Georgia
- Rwanda 41-29 USA

Final ranking [edit]

Rank	Team
1	Spain
2	Denmark
3	Croatia
4	Egypt
5	Germany
6	Portugal
7	Norway
8	Faroe Islands
9	North Macedonia
10	Czech Republic
11	Hungary
12	Saudi Arabia
13	Austria
14	Brazil
15	Slovenia
16	Iran
17	Sweden
18	Morocco
19	Iceland
20	Montenegro
21	Japan
22	Algeria
23	Argentina
24	Chile
25	South Korea
26	Georgia
27	Rwanda
28	United States
29	Bahrain
30	Mexico
31	New Zealand
WD	Burundi



Basketball: Hamenyekanye amakipe azakina imikino ya "Playoffs 2023"

Taliki 13 Kanama 2023 ni bwo hasojwe imikino ya shampiyona cy'icyiciro cya mbere muri Basketball mu bagabo n'abagore ahamenyekanye amakipe 4 ya mbere azakina imikino ya "Playoffs 2023".

Mu bagabo hari REG BBC yasoreje ku mwanya wa mbere n'amanota 42, Patriots BBC (41), APR BBC (41) na Espoir BBC (37). Muri $\frac{1}{2}$, ikipe ya REG BBC izakina na Espoir BBC naho Patriots BBC ikine na APR BBC. Ikipe izagera ku mukino wa nyuma ni izabasha kwitwara neza mu mikino 5.

Amakipe 4 ya nyuma akaba yaramanutse mu cyiciro cya kabiri aya ni RP IPRC Huye BBC, Shoot 4 Stars BBC, RP IPRC Kigali BBC na RP IPRC Musanze BBC.

Ikipe ya Kepler BBC na Inspired Generation zatsindiye kuzakina muri shampiyona y'icyiciro cya mbere umwaka utaha wa 2023-2024.

Mu bagore, amakipe 4 ya mbere ni APR BBC, REG BBC, RP IPRC Huye BBC na The Hoops. Muri $\frac{1}{2}$ aya makipe nayo azahatana iyitwaye neza mu mikino itanu ikomeze ku mukino wa nyuma. Bitezanyijwe ko imikino ya $\frac{1}{2}$ ya "Playoffs 2023" izatangira taliki 23 Kanama 2023.



Handball : Ikipe y'u Rwanda U-17 mu bakobwa yegukanye umwanya wa gatatu

Kuva taliki 8 kugeza 12 Kanama 2023, i Abidjan muri Cote d'Ivoire habereye imikino y'Afurika "IHF Trophy - Continental Phase 2023" mu bakobwa batarengeje imyaka 17.

Iyi mikino yari yitabiriwe n'amakipe 4 ari yo u Rwanda, Guinea, Madagascar na Nigeria. Aya makipe yakinnye hagati yayo, ikipe ya mbere n'iya kabiri zihatanira igikombe.

Ikipe ya Nigeria yegukanye igikombe itsinze Guinea ibitego 33 kuri 18 naho ikipe y'u Rwanda yegukana umwanya wa 3 itsinze Madagascar ibitego 46 kuri 24.

Uko ikipe y'u Rwanda yitwaye

- Madagascar 21-46 Rwanda
- Rwanda 25-33 Guinea
- Nigeria 38-30 Rwanda
-

Umwanya wa gatatu

- Rwanda 46-24 Madagascar



Kigali : Hatangijwe ku mugaragaro imirimo yo kubaka "Zaria Court"

Taliki 14 Kanama 2023, Perezida w'u Rwanda, Paul Kagame yatangije ku mugaragaro imirimo yo kubaka inyubako ya Ujiri Masai "Zaria Court Kigali" izaba igizwe na Hoteli, ihahiro rigezweho ndetse n'ibibuga bitandukanye.

Ibi bikorwaremezo bizubakwa i Remera mu Karere ka Gasabo ahahoze hakorera Ikigo cy'lighugu cy'Ubuzima "RBC" akaba ari hafi ya Sitade Amahoro.

Biteganyijwe ko imirimo yo kubaka "Zaria Court Kigali" izarangira mu Gushyingo 2024 naho imirimo itangire muri Gashyantare 2025.



Kung Fu Wushu: Black Scropio Kayonza yegukanye irushanwa ry'abakiri bato

Taliki 13 Kanama 2023 mu Karere ka Rubavu kuri Sitade Umuganda habereye irushanwa ry'abakiri bato mu mukino nyarugamba wa Kung Fu Wushu rikaba ryari ribaye ku nshuro ya gatatu.

Iri rushanwa ritegurwa n'ishyirahamwe ry'umukino wa Kung Fu Wushu mu Rwanda "RKWF" ryari ryitabiriwe n'abakinnyi 91 barimo abahungu 59 n'abakobwa 4 bari hagati y'imyaka 4 na 15 bakaba bari baturutse mu makipe 16 yari yavuye mu Ntara zose zigize igihugu.

Ikipe ya Black Scropio Kayonza ni yo yahize izindi yegukana igikombe nyuma yo gutsindira imidali 17 harimo 5 ya zahabu, 6 ya Feza na 6 y'Umulinga. Ku mwanya wa kabiri haje Rubavu Kung Fu Wushu yegukanye imidali 5 harimo ibiri ya zahabu, umwe wa Feza n'indi ibiri y'Umulinga. Ikipe yegukanye umwanya wa 3 ni Tsen Sport Org yegukanye imidali 5 harimo 4 ya Feza n'undi umwe w'Umulinga.

Mu cyiciro cy'abakobwa, muri rusange batwaye imidali 12 harimo 2 ya zahabu, 6 ya Feza n'indi 4 y'Umulinga.

Amakipe 16 yari yitabiriye iyi mikino ni Tsen Sport Org, Rubavu Kung Fu Wushu, Mahoko Kung Fu Wushu, Ryabizige Kung Fu, Black Scorpion Kayonza, Tiger Wushu, Black Eagle Ngoma, Red Dragon Gicumbi, Gasabo Wushu, Angel Kung Fu Wushu, Chow Gar Mantis, Dragon Nyamirambo, Musanze Shaolin Temple, Muhamanga Shaolin Tiger, Morning Star School na Eastern Tigers Wushu.

Irushanwa ry'umwaka utaha wa 2024 biteganyijwe ko rizabera mu Ntara y'Amajyeph mu Karere ka Muhamanga.





Website: www.olympicrwanda.org

www.olympicrwanda.org/commonwealth

Email: cnosr@olympicrwanda.org | @RwandaOlympic

Address: Remera-Hallmark Center Building KG 17 Ave